

Gvaq Ngeihcib Bi Ma Diegcoj

二十年后回故乡

武鸣县仙湖镇中桥小学五(3)班 潘柳妹



Seiqgyaiq yienghyienh cungj cingq fazcanj bienqvaq. 20 bi gvaqbae lo, lajmbanj miz gijmaz bienqvaq ne?

Gwn ngaiz gvaq le, gou couh naengh haeuj “Swnghva Bwnhciz” swheij, daengz diegcoj yawjyaw bohmei gou gaenq siengniemh haujai nanz haenx. Gwnz loh, caenhguen ci hai ndaej gig vaiq, gou hix yawj ndaej cingcuj gij doxgaiq seiqhenz: Yenzlaiz gij bya ndoqndangndang haenx bienq baenz ndoengfaex mwncupcup; yenzlaiz ranzngvax daemqdetdet haenx, gaenq deng ranzyouq gak sik gak yiengh haenx dingj lo; yenzlaiz gij roen’iq gumzgumz gamxgamx haenx, gaenq bienqbaenz roen suijniz seuqsatsat, henz loh lij miz lohdaeng gauhgiz ne……Lajmbanj bienqvaq caen hung ha!

Gvaq yaephe, aen ci menhmenh hai haeuj bak mbanj. Doenghnaz song henz loh henjrwgrwg lumj gim nei, rienghaeux ngaemgyaeuj dedded. Seizneix cingq dwg geiqciet dajsou, ndaw naz baenzlawz cij miz souhgozgi mboij raen saek boux vunz ne? Gou cingq geizheiq, sawqmwh daxboh ndang daenj mingzbaiz sihfuz naj ronghsagsag dwk yamq hung daj ndaw mbanj byaij okdaeuj ciep gou, gou sikhaek lwnh gij ngeizvaeg ndaw sim gou hawj daxboh nyi. De baez riunyumj, daiq gou daeuj daengz aen bangunhsiz henz mbanj, vix gwnz daiz aen dennauj hawj gou yawj. Gou naengh roengzdaeuj baez yawj, va, ndaw naz gijmaz saeh cungj yienj youq ndaw dennauj lo. Lajmbanj saedyienh nungzyez gihaiva lo! Neix caen dwg daiq saenzgeiz lo!

Gwn haexringz le, daxboh daiq gou bae yawj aen suenmak de. Gizneix gingisaek gyaunde. Vunzgihi miz mbanj cingq nyaengq dwk sou mak, miz mbanj cingq dawz baenz swx baenz swx mak riu daengz henz reih bae, lij miz mbanj cang ci, dauqawq cungj dwg gingisiengq nauhyied.

Yienznaeuz ranzmbanj bienqvaq hung daengz gou cengdi nyinh mboij okdaeuj, hoeng gizneix dauqdae dwg giz dieg seng gou, gou doiq de itcig baujiz cungj gamjingz ndiepgyaez he. Gij bienqvaq de lumj cingq gujli gou, itdingh aeu roengzrengz dawz ranzmbanj gensez ndaej engqgya gyaunde.

(指导老师:潘文清)

Daegnuengx Gou

我的弟弟

贵港市覃塘区蒙公乡高占小学三年级 詹大达

Daegnuengx gou bi neix ndaej 7 bi lo. Bingzciengz de gig gyaez daenj geu buh saekhou, geu vaq saeklamz. Aen giuzndaeng de gig sang, doiq lwgda gig hung, gig miz saenz.

Daegnuengx gig gyaez yawj densi, cijaeu mbouj bae hagdangz, de cungj dwg yawj densi daengz gyanghaemh 10 diemj cung cij hwnj congz bae ninz. Miz baez ndeu, de siengj yawj densi, ngamq deng densi vaih lo, de couh hemqranrang, nauh dwk daengx ranz vunz cungj mbouj ndaej ansim. Ngoenz daihngieih, daxboh sikhaek dawz densi bae coih ma.

Daegnuengx lij gig dam gwn. Miz baez ndeu, daxbuz cawx di binghizlinz dauqma, daegnuengx fwngz hix mbouj swiq, couh fwngz swix gaem aen gwn, fwngz gyaz youh gaem aen he, mbouj geij nanz couh gwn bae roek aen binghizlinz lo. Doeklaeng, haemhaenx de hwnj veiswngghen seiq baez, lij ndaq daxbuz mbouj wnggai hawj de gwn baenz lai ne!

Lij miz baez ndeu, gou siengj cang de, couh ra aen hab dangauh cuengq gwnz daizgwnngaiz, baihdaw sij mbawceij he: “Haha! Deng yaeuh loba! Lwgmeuz gvij!” Gou siengj daegnuengx itdingh deng yaeuh. Caen daihraix, mbouj yaephe, daegnuengx daj rog buet ma, de diem din diem fwngz dwk byaij daengz henz daiz, menhmenh gei aen hab, rox deng yaeuh le, de gig hozndat, sikhaek dawz mbawceij sij miz ci haenx ndek youq gwnz deih, lij aeu din roengzrengz daemh geij baez, cij hujdengdeng dwk buet ok dou bae.

Sou yawj, neix couh dwg daegnuengx gou, laeq lwgnyez ak nauh youh dwgyaez ndeu.

(指导老师:覃珍团)



Vujmingz Yen Guh Cuengh Gun Song Saw Vah Hagdangz “Fwngz Cing Fwngz” Gyauyenz Gyauhliuz Hozdung

武鸣县壮汉双语学校开展“手拉手”教研交流活动

Vujmingz Yen Lozhih Cin Yinghhih Siujoyz aen haggeiz neix hainduj hai Sawcuengh monz gocwngz neix, vihliux hawj gyoengq lauxsae de vaiqdi rox gij mozi Cuengh Gun song saw vah sonhag, sam nyied ngeihcib hauh yen gyauyuzgiz gyauyenzsiz youq Vujmingz Yen Senhhu Cin Cunghgyauz Siujoyz guh “fwngz cing fwngz” gyauyenz gyauhliuz hozdung.

Ngoenzhaenx, Cunghgyauz Siujoyz song boux Sawcuengh guzgan lauxsae gak hwnj le dangz Sawcuengh ndeu. Youq gwnz godangz, songde gangj ndaej gig mizyinx, gij vah sonhag gig gyaeu gig diemz, sonhag gocwngz baez baeuh baez baeuh gig cingcuj. Gyoengq doengzhag gaenx yaengxfwngz daez vwndiz dap vwndiz, boux gonq boux laeng doxciengj gangj, lauxsae caeuq doengzhag boiqhab gig ngamj gig ndei, cungfaenh canjsi le gij funghcaij gyoengq Sawcuengh lauxsae sonhag.

Ciep roengzdaeuj song boux son Sawcuengh lauxsae haenx gak gangj



▲Sawcuengh lauxsae cingq hwnjdangz.

swheij vih maz yiengh neix son, baenz youq gizlawz, mbouj baenz youq gizlawz; ciepdwk gyoengq lauxsae dingq hwnjdangz haenx caez lwnh swheij miz gijmaz gamjsouh, daegbied dwg gyoengq lauxsae Yinghhih Siujoyz gamjsouh gig lai gig laeg, gyoengqde caez naeuz:

“Cungj nyinhnaeuz dangz Sawcuengh mbouj miz gijmaz ndei hwnj, siengj mbouj daengz gyoengqde hix hwnj ndaej yienghneix ndei yienghneix mizyinx ha!”

Youq gwnz hozdung neix, yen gyauyuzgiz gyauyenzsiz Sawcuengh gyauyenzyenz Vangz Vwnzyen cujyin



▲Dinga hwnjdangz le, gyoengq lauxsae guh daujilun.

naeuz mbat hozdung neix gig miz yihi, mboujdanh hawj gyoengq lauxsae hag ndaej cihsiz, caemhcaiq hawj Vujmingz Yen Cuengh Gun song saw vah sonhag guh ndaej engq ndei, de maqmuengh cungj hozdung neix lienzdaeb guh roengzbae.

(武鸣县仙湖镇中桥小学 潘芳兰)